

KJKP „VODOVOD I KANALIZACIJA“ d.o.o. SARAJEVO
DIREKTOR
Izvod broj: 119/19

Sarajevo, 11.11.2019. godine

Na osnovu člana 69. stav (2) tačka d) i člana 70. stav (1) (4) i (6) Zakona o javnim nabavkama („Službeni glasnik BiH“ br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, u postupku javne nabavke br. 119/19 - **Rezervni dijelovi za trakaste zgušnjivače i dekantere proizvođača „ALFA LAVAL“** donosi se:

ODLUKA

o poništenju postupka javne nabavke

Član 1.

Poništava se postupak javne nabavke broj 119/19 za nabavku roba: **Rezervni dijelovi za trakaste zgušnjivače i dekantere proizvođača „ALFA LAVAL“** iz razloga što nijedna od primljenih ponuda nije prihvatljiva a sve u skladu sa odredbama člana 69. stav (2) tačka d) Zakona o javnim nabavkama.

Član 2.

Ova odluka objavit će se na web stanici: www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 119/19 od 05.08.2019. godine.

Procijenjena vrijednost javne nabavke bez PDV-a iznosi : 25.000,00 KM.

Na osnovu Obavještenja o nabavci br. 247-1-1-156-3-272/19 koje je objavljeno na Portalu javnih nabavki dana: 09.08.2019.godine (sažetak Obavještenja o nabavci objavljen je u „Službenom glasniku BiH“ br. 55 od 16.08.2019. godine) proveden je postupak javne nabavke putem otvorenog postupka.

Komisija za javne nabavke je dana:08.10.2019. godine, dostavila Zapisnik komisije o pregledu i ocjeni ponuda i Preporuku o izboru najpovoljnijeg ponuđača.

Komisija je u Zapisniku o pregledu i ocjeni ponuda broj 119/19 od 06.09.2019. godine, konstatovala da je na osnovu Obavještenja o nabavci br. 247-1-1-156-3-272/19 od 09.08.2019.godine, proveden postupak javne nabavke putem otvorenog postupka te je izvršeno javno otvaranje ponuda dana: 03.09.2019.godine sa početkom u 13:30 sati, a što je konstatovano zapisnikom sa otvaranja ponuda br. 119/19.

Za predmetnu javnu nabavku dostavljena je jedna (1) ponuda ponuđača:

1. "TECHNING" d.o.o. Sarajevo

Konstatovano je da je navedeni ponuđač preuzeo tendersku dokumentaciju sa portala javnih nabavki i samim tim ostvario pravo učešća u postupku.

Dostavljanje zapisnika sa otvaranja ponuda izvršeno je prema ponuđaču u zakonskom roku.

Komisija je u Zapisniku o pregledu i ocjeni ponuda broj: 116/19 od 06.09.2019. godine, utvrdila da dostavljena ponuda ponuđača: "TECHNING" d.o.o. Sarajevo ispunjava zahtjevane tenderske uslove prema obliku i potpunosti u smislu pripreme ponude i da su isti dostavili dokumentaciju koja se zahtijevala obzirom na iskazane zahtjeve ugovornog organa u tenderskoj dokumentaciji.

Komisija je konstatovala da je navedeni ponuđač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Nakon izvršenog pregleda i ocjene ponude Komisija za javne nabavke je jednoglasno dala preporuku Ugovornom organu da za nabavku roba: „Rezervni dijelovi za trakaste zgušnjivače i dekantere proizvođača „ALFA LAVAL“ - tender broj 119/19 donese Odluku o dodjeli ugovora ponuđaču: „TECHNING“ d.o.o. Sarajevo, ponuda broj: 371 od 03.09.2019. godine, čija vrijednost iznosi : **20.846,00 KM bez PDV-a.**

Na osnovu preporuke Komisije za javne nabavke donesena je Odluka o izboru najpovoljnijeg ponuđača br. 119/19 od 10.10.2019. godine a ista je dostavljena učesniku u postupku javne nabavke dana 10.10.2019. godine.

Nakon dostave Odluke o rezultatu postupka, prema tački 13. TD – Uslovi za kvalifikaciju, odabrani ponuđač je bio obavezan postupiti na slijedeći način:

Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:

a) Uvjerenje/izvod/potvrda iz kaznene evidencije nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

Vezano za navedeni dokaz ponuđači iz Bosne i Hercegovine su obavezni kumulativno dostaviti sljedeće dokumente:

- Uvjerenje/izvod/potvrda iz kaznene evidencije Suda BiH kojom dokazuje da u krivičnom postupku nije izrečena pravosnažna presuda kojom je osuđen za krivično djelo učešća organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini i

- Uvjerenje/izvod/potvrda iz kaznene evidencije nadležnog suda kojom dokazuje da u krivičnom postupku nije izrečena pravosnažna presuda kojom je osuđen za krivično djelo učešća organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini.

Napomena:

Prema navedenom, ponuđač koji je registrovan u Bosni i Hercegovini je dužan da dostavi uvjerenje/izvod/potvrdu izdatu od strane Suda BiH i suda nadležnog prema svom sjedištu, iz koje je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz člana 45. stav (1) tačka a) Zakona.

Nije prihvatljivo uvjerenje/izvod/potvrda izdata od bilo kojeg suda u BiH, u kojoj nisu naznačena sva navedena krivična djela, već samo neka od njih ili uvjerenje/izvod/potvrda suda koji uopšte nije nadležan prema sjedištu ponuđača.

b) uvjerenje/izvod/potvrda nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti u skladu sa važećim propisima u Bosni i Hercegovini ili zemlji u kojoj je registrovan;

c) uvjerenje/izvod/potvrda nadležnih institucija (nadležne poreske uprave ili ukoliko se radi o ponuđaču koji nije registrovan u Bosni i Hercegovini) kojim se potvrđuje da je ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;

d) uvjerenje/izvod/potvrda nadležnih institucija da je ponuđač uredno izmirio dospjele obaveze u vezi s plaćanjem direktnih i indirektnih poreza.

Dokazi koje je dužan dostaviti izabrani ponuđač moraju potvrditi da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti na protokol ugovornog organa na adresi Terezija br. 38, a u roku od 7 dana od dana zaprimanja obavještenja o rezultatima ovog postupka javne nabavke.

Dokazi koje dostavlja izabrani ponuđač ne mogu biti stariji od tri mjeseca, računajući od dana predaje ponude /unazad tri mjeseca/ s tim da navedeni dokumenti po datumu izdavanja, mogu biti izdati i nakon dostavljanja ponude ili zahtjeva za učestvovanje, ali pod uslovom da su u dostavljenim dokumentima navedene činjenice o stanju ponuđača na dan dostavljanja ponude ili zahtjeva za učestvovanje (bitno je da ponuđač dostavljenim dokumentima izdatim od nadležnog organa dokaže da je istinito ono što je naveo u svojoj izjavi na dan dostavljanja ponude ili zahtjeva za učestvovanje i da ne postoji niti jedan razlog da njegova ponuda ili zahtjev za učestvovanje budu odbačeni.

U skladu sa tačkom 14.1 *Ekonomska i finansijska sposobnost*

Ponuđač je dužan u svrhu dokazivanja ekonomske i finansijske sposobnosti ispuniti sljedeće minimalne uslove:

a) da ima aktivan transakcijski račun.

U svrhu dokazivanja gore navedenih uslova potrebno je dostaviti sljedeće dokumente:

a) Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude.

Izabrani ponuđač dužan je u roku od 7 dana od dana prijema odluke o dodjeli ugovora dostaviti original ili ovjerenu kopiju (Sud, Opština ili notar) dokumenta navedenog pod tačkom a). Dokument koji izabrani ponuđač dostavlja, u skladu sa članom 72. stav (3) tačka a) Zakona o javnim nabavkama, ne smije biti stariji od tri mjeseca.

Od strane Komisije za javne nabavke, konstatovano je da je ponuđač: „TECHNING“ d.o.o. Sarajevo u predviđenom roku dana: 15.10.2019. godine, dostavio kvalifikacione dokumente kako slijedi:

1. Uvjerenje o činjenicama iz službene evidencije izdato od stane Općinskog suda u Sarajevu izdato dana: 27.06.2019. godine kojim je konstatovano da je provjerom kroz CMS-bazu podataka utvrđeno da pred ovim sudom za pravno lice: „Techning“ d.o.o. Sarajevo, nije izrečena pravosnažna presuda kojom je osuđeno za krivično djelo učešća u kriminalnoj organizaciji za koruciju, prevaru ili pranje novca, a sve u smislu člana 45. stav (2) tačka a) Zakona o javnim nabavkama u Bosni i Hercegovini (Službeni glasnik BiH br. 39/14);
2. Uvjerenje o činjenicama iz službene evidencije izdato od stane Općinskog suda u Sarajevu izdato dana: 27.06.2019. godine kojim je konstatovano da je provjerom kroz

CMS-bazu podataka utvrđeno da pred ovim sudom pravno lice: „Techning“ d.o.o. Sarajevo, nije pod stečajem niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti, u smislu člana 45. stav (2) tačka b. ZJN BiH;

3. Uvjerjenje Porezne upave F BiH, Kantonalni porezni ured Sarajajevo – Porezna ispostava Ilidža izdato dana: 26.06.2019. godine, kojim se utvrđuje da Društvo za proizvodnju i trgovinu „Techning“ d.o.o. Sarajevo na dan: 26.06.2019. godine, prema poreznoj evidenciji nema obaveza;
4. Uvjerjenje Uprave za indirektno oporezivanje, Regionalni centar Sarajevo broj izdato dana 26.06.2019. godine kojim se potvrđuje da: „Techning“ d.o.o. Sarajevo nema dospjelih a ne izmirenih obaveza po osnovu indirektnih poreza, ostalih prihoda i taksi, definisanih odredbama člana 1 stav (2) Zakona o uplatama na Jedinstveni raču i raspodjeli prihoda („Službeni glasnik BiH“ broj 55/04, 34/07 i 49/09).
5. Ovjerenu kopiju Izvještaja o računima poslovnog subjekta JRR BiH, Ovjerna kopija Potvrde INTESA SANPAOLO BANKA d.d. BiH, Ovjerna kopija Potvrde Bosna Bank International d.d. Sarajevo BiH, Ovjerna kopija Potvrde ProCredit Bank d.d. Sarajevo BiH kojim se potvrđuje da račun istog nije bio blokiran u proteklih 6 (šest) mjeseci.

Komisija za javne nabavke je konstatovala da ponuđač u zahtjevanom roku nije dostavio Original ili ovjerenu kopiju Uvjerenja Suda Bosne i Hercegovine u smislu dokazivanja činjenica iz člana 45. stav (2) tačka a) Zakona o javnim nabavkama a što je isti bio obavezan učiniti u skladu sa definisanim zahtjevima iz tačke 13. – Uslovi za kvalifikaciju TD.

Konstatovano je da ponuđač „TECHNING“ D.O.O. SARAJEVO u postupku javne nabavke roba: **Rezervni dijelovi za trakaste zgušnjivače i dekantere proizvođača „ALFA LAVAL“** - 119/19 nije postupio u skladu sa zahtjevom iz tačke 13. TD – Uslovi za kvalifikaciju, što je razlog za odbacivanje njegove ponude a sve u skladu sa odredbama člana 68. stav (1) Zakona o javnim nabavkama („Službeni glasnik BiH“ broj 39/14).

Polazeći od svih gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, utvrđeno je da su ispunjeni uslovi iz člana 69. stav (2) tačka d) Zakona o javnim nabavkama za poništenje postupka javne nabavke.

Iz gore navedenih razloga, primjenom odredbi člana 69. stav (2) tačka d) Zakona o javnim nabavkama („Službeni glasnik BiH“ br. 39/14), donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:
-ponuđač
-a/a



Direktor

Enver Hadžiahmetović, dipl.ing.maš.